



UNIVERSIDADE DA CORUÑA

REGULAMENTO INTERNO DO DEPARTAMENTO DE CONSTRUCCIÓNS NAVAIS DA UNIVERSIDADE DA CORUÑA

EXPOSICIÓN DE MOTIVOS

O presente regulamento vén dar cumprimento ao disposto no artigo 9.3 dos Estatutos da Universidade da Coruña, aprobados polo Decreto 101/2004, de 13 de maio (DOG de 26 de maio).

A regulación do réxime de funcionamento e organización do departamento de Construccións Navais fica enmarcada na normativa aplicable á Universidade da Coruña, en concreto na Lei Orgánica 6/2001, de 21 de decembro, de Universidades e no Decreto 101/2004 da Xunta de Galicia, que aproba os Estatutos da Universidade da Coruña, así como pola Lei 30/1992, de 26 de novembro, de réxime xurídico das administracións públicas e do procedemento administrativo común, modificada pola Lei 4/1999, naqueles aspectos que se recollen na presente normativa nos que son de obrigado cumprimento ou que con carácter subsidiario foren de aplicación.

TÍTULO PRELIMINAR. DO ÁMBITO E DO RÉXIME XURÍDICO DE APLICACIÓN

Artigo 1. Obxecto do regulamento

O presente regulamento establece e regula o funcionamento e organización do departamento de Construccións Navais da Universidade da Coruña, denominada de aquí en adiante como tal ou como UDC.

Artigo 2. Ámbito de aplicación

O presente regulamento é de aplicación ao departamento de Construccións Navais e, consecuentemente, é de obrigado cumprimento para todos os seus compoñentes en canto membros del.

Artigo 3. Réxime xurídico

1. O departamento de Construccións Navais rexerese pola Lei Orgánica de Universidades, polas normas que emanen dos correspondentes órganos do Estado e da Comunidade Autónoma de Galicia no exercicio das súas respectivas competencias, polos Estatutos da Universidade da Coruña e as súas normas de desenvolvemento e finalmente polo presente Regulamento de réxime interno.

2. En defecto do establecido no presente regulamento aplicarase a Lei 30/1992, de 26 de novembro, de réxime xurídico das administracións públicas e do procedemento administrativo común.

3. Contra as resolucións e acordos dos órganos unipersoais ou colexiados do departamento, poderase formular recurso de alzada no prazo dun mes perante o reitor, tratándose de resolucións do director, e perante o Consello de Goberno, tratándose de acordos do consello do departamento, cuxa decisión esgotará a vía administrativa e será impugnabile perante a



UNIVERSIDADE DA CORUÑA

xurisdicción contencioso-administrativa de conformidade coa lei reguladora desta xurisdicción.

TÍTULO I. NATUREZA E FUNCIÓNS

Artigo 4. Natureza¹

O departamento de Construcións Navais e o órgano encargado de coordinar o ensino das áreas de coñecemento da súa competencia nun ou en varios centros de acordo coa programación docente da Universidade, ademais de organizar, desenvolver e promover a investigación no seo do mesmo.

Artigo 5. Funcións

Son funcións do Departamento:

- a. Participar no funcionamento da Universidade, centros e órganos de goberno da mesma por medio dos seus representantes.
- b. Organizar e desenvolver, nos diferentes ciclos dos estudos universitarios, o ensino propio das áreas de coñecemento da súa competencia.
- c. Apoiar as actividades e iniciativas investigadoras do persoal adscrito ás áreas de coñecemento da súa competencia.
- d. Manter con outros departamentos e institutos universitarios a coordinación nos aspectos docentes que lles sexan comúns.
- e. Organizar e desenvolver estudos de terceiro ciclo.
- f. Contratar con entidades públicas ou privadas ou con persoas físicas a realización de traballos de carácter científico, técnico ou artístico, así como o desenvolvemento de cursos de especialización.
- g. Organizar a plantilla docente do departamento e participar na elaboración de planos de estudo, no procedemento de selección do persoal docente e investigador e nos procesos de avaliación da calidade institucional.
- h. Fomentar a formación e promoción do persoal adscrito ao departamento.
- i. Transmitir e xestionar ante os órganos competentes da Universidade todas aquelas peticións ou solicitudes dos alumnos, transmitidas a traveso dos seus representantes no Consello do Departamento.
- j. Fomentar e manter a relación coa industria, co obxecto de promover e facilitar a colaboración Universidade-Empresa.
- k. Calquera outra función que lles asignaren as disposicións legais vixentes e os Estatutos da Universidade da Coruña, aprobados polo Decreto 101/2004.

¹ Reprodución do artigo 9.1 dos Estatutos da UDC.



UNIVERSIDADE DA CORUÑA

TÍTULO II. DA ORGANIZACIÓN DO DEPARTAMENTO

CAPÍTULO I. DA ESTRUTURA DO DEPARTAMENTO

Artigo 6. Persoal pertencente ao departamento de Construcións Navais

O departamento agrupa o persoal docente e investigador da Universidade, funcionario e contratado, o persoal de investigación, bolseiros, estudantes e o persoal de administración e servizos que estean adscritos a el.

Artigo 7. Adscrición do profesorado

A adscrición do profesorado ao departamento farase atendendo á convocatoria de cada praza.

Artigo 8. Grupos de investigación

O departamento fomentará a constitución de grupos e redes de investigación en que participen os seus investigadores. As relacións entre o departamento e os grupos de investigación en que participen os seus membros acomodaranse á normativa que para este efecto dite o Consello de Goberno.

CAPÍTULO II. DO GOBERNO DO DEPARTAMENTO

Artigo 9. Órganos de goberno do departamento

Para o goberno, representación e administración do departamento establécense os seguintes órganos:

a) Colexiados:

- Consello do Departamento
- Comisión Permanente do Consello do Departamento

b) Unipersoais:

- Director do departamento
- Secretario do departamento

SECCIÓN PRIMEIRA. DOS ÓRGANOS COLEXIADOS

Artigo 10. Concepto

O Consello do Departamento é o principal órgano colexiado de goberno do departamento.

Artigo 11. Composición do Consello do Departamento e outras cuestións

1. O Consello do Departamento comporase:

- a. Do director, que o presidirá e convocará, e do secretario.
- b. De todos os profesores e axudantes integrados no departamento. Enténdese por tales todo o profesorado funcionario dos corpos docentes universitarios e todas as categorías



UNIVERSIDADE DA CORUÑA

- de persoal docente e investigador contratado tal e como se contén nos artigos 69.2 e 69.3 dos Estatutos da UDC.
- c. Unha persoa representante dos investigadores con cargo a convocatorias oficiais e, se for o caso, dos lectores integrados no departamento. Enténdese que é investigador con cargo a convocatorias oficiais quen, após obter a suficiencia investigadora ou o diploma de estudos avanzados, realice tarefas de investigación no departamento con cargo a convocatorias públicas nacionais ou autonómicas publicadas nos diarios oficiais.
 - d. Unha representación do estudiantado do departamento, equivalente ao 25% do número total de membros do consello, dos cales dous tercios corresponderán a estudantes de primeiro e segundo ciclo matriculados en, polo menos, unha das materias impartidas polas áreas de coñecemento integradas no departamento, e o tercio restante corresponderá a estudantes de terceiro ciclo dos programas de doutoramento en que participe o departamento. Dentro da porcentaxe de estudantes de primeiro e segundo ciclo darase preferencia na proclamación como candidato electo a que haxa polo menos un de cada centro en que o departamento imparte docencia. En caso de se non cubrir o terzo correspondente ao estudiantado de terceiro ciclo esa porcentaxe será ocupada por estudantes de primeiro e segundo ciclo e viceversa.
 - e. Unha persoa representante do persoal de administración e servizos adscrito ao departamento. Deberán convocarse eleccións a representantes do persoal de administración e servizos no Consello do Departamento cando o número de integrantes deste sector for superior a un. En caso contrario, será membro do consello sen celebrar eleccións.
2. As persoas representantes no Consello do Departamento serán elixidas por un período de dous anos.
 3. A determinación do número de representantes que corresponde a cada sector será realizada pola Secretaría Xeral da UDC coa aprobación do censo definitivo, segundo as proporcións sinaladas neste artigo.
 4. En caso de cesamento de representantes, no prazo máximo dun mes o director do departamento cubrirá os postos coas persoas candidatas que no último proceso electoral realizado obtivesen o maior número de votos en cada sector sen acadaren representación. Se as non houber, os postos serán cubertos no seguinte proceso electoral, tras a expiración do mandato do Consello do Departamento, salvo que o número de novos postos para cubrir sexa superior á metade do número total de representantes de cada sector, en cuxo caso terán que se convocar eleccións parciais. O mandato dos representantes que así accedan ao Consello de Departamento non durará máis que o tempo de mandato que reste aos demais representantes.
 5. Nos supostos de incremento do número de profesores e a súa incorporación ao Consello de Departamento, así como a do resto de membros cuxa porcentaxe dependa daqueles, deberase proceder segundo dispoña o regulamento electoral xeral.
 6. En caso de incumprimento inustificado desta obriga por parte do director do departamento calquera persoa interesada poderá solicitar a intervención da Secretaría Xeral da UDC, que suplirá a actuación do director.



UNIVERSIDADE DA CORUÑA

Artigo 12. Competencias do Consello do Departamento

Son competencias do Consello de Departamento:

- a. Elixir o director e, se for o caso, revogalo.
- b. Programar as actividades docentes e eventualmente investigadoras do departamento, elaborar o seu plano de organización docente e propor os programas de doutoramento.
- c. Formular as demandas do persoal docente e investigador.
- d. Organizar cursos ou estudos de posgrao ou especialización dentro do seu ámbito de competencia.
- e. Participar na selección e contratación do persoal docente e investigador.
- f. Propor nomeamentos de doutores honoris causa
- g. Elaborar e reformar se for o caso o regulamento de réxime interno do Departamento.
- h. Discutir, modificar e, se se dirá o caso, aprobar as propostas das diferentes comisións.
- i. Coordinar e aprobar os contidos das diferentes asignaturas encargadas ao Departamento.
- j. Presentar propostas relativas aos Planos de Estudo.
- k. Facilitar e promover a formación continua dos membros do Departamento.
- l. Apoiar e promover os intercambios temporais de profesores e alumnos con outros organismos e Universidades.
- m. Nomear, cando proceda, aos representantes do Departamento nas diferentes comisións e órganos de goberno da Universidade.
- n. Promover a publicación e difusión do traballo investigador dos membros do Departamento.
- o. Aprobar o presuposto do Departamento.
- p. Calquera outra competencia que lle for asignada polas disposicións legais vixentes e polos Estatutos da UDC, aprobados polo Decreto 101/2004 da Xunta de Galicia.

Artigo 13. Funcionamento do Consello do Departamento.

1. O Consello do Departamento reunirse en sesión ordinaria cantas veces sexa necesario e, polo menos, dúas veces ao ano, e sempre que o director o convoque por propia iniciativa, xa sexa en sesión ordinaria ou extraordinaria.
2. O Consello do Departamento reunirse en sesión extraordinaria por solicitude de, ao menos a terceira parte dos seus membros, en cuxo caso a sesión se realizará non mais tarde de 15 días naturais a partires da data de recepción da devandita solicitude, exceptuando períodos de vacacións.
3. A orde do día das sesións será fixada polo director e poderá ter en conta as solicitudes recibidas ata a data da convocatoria. No caso de se tratar dunha das reunións as que se refire o parágrafo nº 2 anterior, figurará na orde do día da convocatoria, alomenos, a correspondente solicitude.
4. A convocatoria será efectuada polo secretario do departamento por orde do director ou de quen legalmente o substitúa. Esta convocatoria incluírá a data, hora e lugar de realización da sesión, así como a orde do día. As citacións das convocatorias ordinarias serán cursadas polo secretario para que os membros do departamento poidan recibilas con 48 horas de antelación, e deben incluír unha orde do día explícita. As citacións levaranse a



UNIVERSIDADE DA CORUÑA

cabo mediante notificación persoal por carta ao centro de traballo, podendo facelo ademais en soporte informático. De convocarse a sesión fóra do período lectivo previsto no calendario escolar, a convocatoria cursada ao alumnado deberá, ademais, remitirse aos seus respectivos domicilios.

5. Cando a natureza dos asuntos que se foren tratar así o requira, e por acordo por unanimidade, poderanse convocar ás sesións do Consello do Departamento ou, se for o caso, ás dalgunha comisión, ás persoas que se estime necesario, con voz mais sen voto.

6. As sesións extraordinarias do Consello de Departamento están sometidas aos mesmos requirimentos que as ordinarias, coa excepción de que a súa convocatoria pode facerse con só 24 horas de antelación. Non se incluírán na orde do día os puntos relativos á aprobación de actas, informes ou suxestións e preguntas.

Artigo 14. Constitución

Para a válida constitución do Consello do Departamento, para os efectos de realización de sesións, deliberacións e toma de acordos, requirirase a presenza do director e do secretario ou, se for o caso, de quen os substitúa, e a da metade, polo menos, dos seus membros. De non acadarse este quórum, o Consello de Departamento poderá constituírse en segunda convocatoria coa presenza da terceira parte dos seus membros e, en todo caso, a do director e a do secretario ou, se for o caso, de quen os substitúa.

Artigo 15. Asistencia e desenvolvemento das sesións

1. A asistencia ás sesións dos órganos colexiados da Universidade é un dereito e un deber dos membros que os integran.²
2. A condición de membro dun órgano colexiado é persoal e non delegable.
3. Toda ausencia poderá xustificarse con anterioridade á sesión en que se produza perante o secretario do departamento.
4. Ás sesións só poderán asistir os seus respectivos membros, agás no caso recollido no artigo 13.5.
5. Non poderá ser obxecto de deliberación ou acordo ningún asunto que non figure incluído na orde do día, agás que estean presentes todos os membros do órgano colexiado e sexa declarada a urxencia do asunto polo voto favorable da maioría.
6. O director do Departamento presidirá os debates e coa colaboración do secretario controlará o tempo de debate para cada asunto en función das peticións de palabra.
7. O director concederá o dereito de resposta por alusións durante o período de tempo que fixe.
8. Previo acordo por unanimidade ao comezo da sesión, poderá ser gravado o desenvolvemento da mesma.

² Segundo o artigo 23.1 dos Estatutos da UDC.



UNIVERSIDADE DA CORUÑA

Artigo 16. Votacións e adopción de acordos

1. As votacións poderán realizarse por asentimento, a man alzada, pública por chamamento ou secreta. Entre outros casos posibles, a votación secreta poderá ser empregada cando o acordo que se deba adoptar tiver carácter persoal ou sexa solicitada por calquera dos membros do Consello. Considéranse adoptados os acordos por asentimento cando as propostas sometidas ao Consello non suscitaren oposición de ningún membro deste e non requirise outra forma de votación ningún membro.
2. O Consello adoptará os seus acordos por maioría absoluta, dos membros asistentes, na primeira votación e, si non se acadara na primeira, o será por maioría simple de votos afirmativos fronte aos negativos, sen ter en conta as abstencións, dos membros asistentes, na segunda, agás naqueles supostos en que sempre se esixa legal ou regulamentariamente maioría absoluta ou cualificada.
3. En caso de empate nos resultados dunha votación decidirá o director co seu voto de calidade.
4. Non poderán someterse a votación aquelas cuestións que non estiveren especificadas en algún punto da orde do día e en relación directa con elas. Tampouco non se poderán tomar acordos dentro dos apartados da orde do día correspondentes a “Informes” e “Suxestións e Preguntas”, agás do establecido no Artigo 15.5.
5. Iniciada unha votación, esta non poderá interromperse.

Artigo 17. Actas

1. De cada sesión que teña lugar do Consello do Departamento redactará a acta o secretario, que especificará necesariamente a relación de asistentes e ausentes que achegasen xustificación, a orde do día da reunión, o lugar e tempo en que tivo lugar, os puntos principais das deliberacións, así como o contido dos acordos e a forma en que estes se adoptaron.
2. Na acta figurará, por solicitude dos respectivos membros do Consello do Departamento, o voto contrario ao acordo adoptado, a súa abstención e os motivos que a xustifiquen ou o sentido do seu voto favorable. Así mesmo, calquera membro ten dereito a solicitar a transcripción íntegra da súa intervención ou proposta, sempre que achegue no acto ou no prazo que se sinale, o texto que se corresponda fielmente coa súa intervención, facéndose así constar na acta ou uníndose copia a ela.
3. Os membros que discrepen do acordo maioritario poderán formular voto particular por escrito no prazo de corenta e oito horas, que se incorporará ao texto aprobado.
4. As actas aprobaranse na mesma sesión ou na seguinte sesión ordinaria, podendo non obstante emitir o secretario certificación sobre os acordos específicos que se adoptasen, sen prexuízo da ulterior aprobación da acta.

Artigo 18. Comisión Permanente do Consello do Departamento

1. O Departamento de Construcións Navais nomeará unha Comisión Permanente, con competencias delegadas do Consello de Departamento, entre elas a elaboración do presuposto do departamento. Os acordos que adopte a Comisión Permanente



UNIVERSIDADE DA CORUÑA

relativos a competencias delegadas polo Consello de Departamento serán comunicados a este na primeira sesión ordinaria que se realice.

2. A composición da Comisión Permanente será a seguinte:
O director, o secretario, un profesor de cada área de coñecemento das que constitúen o Departamento, elixido no seo da mesma, e un representante dos alumnos membros do departamento, elixido entre eles.
3. A Comisión Permanente reunirse por iniciativa do director do Departamento ou a proposta do Consello do Departamento e quedará constituída ao estar presentes polo menos a metade dos membros de dita Comisión, entre os cales figurará necesariamente director do departamento ou a persoa en quen delegue.
4. No caso de que a reunión sexa solicitada polo Consello do Departamento, tal como se reflicte no parágrafo anterior, a devandita reunión celebrarase no prazo máximo de días hábiles, contados a partires da data de rexistro de entrada da solicitude na Secretaría do Departamento.

Artigo 19. Outras comisións do Departamento

1. O Consello do Departamento poderá constituír comisións con carácter de apoio ou asesoramento e que non terán capacidade decisoria, debendo remitir todas as propostas que se adopten ao Consello do Departamento, que decidirá en última instancia.
2. As comisións estarán compostas polos membros do Consello de Departamento designados por este e presididas polo director do Departamento que será en tódolos casos, xunto có Secretario, membros natos das mesmas. A súa creación, renovación e derogación levaranse a cabo segundo os criterios que estableza o Consello do Departamento, tanto en canto á composición, como á periodicidade da súa renovación.
3. As funcións que correspondan a cada comisión serán asignadas polo Consello do Departamento.

SECCIÓN SEGUNDA. DOS ÓRGANOS UNIPERSOAIS

Artigo 20. Do director do Departamento^{3/4}

1. O director do Departamento ten a representación deste e exerce as funcións da súa dirección e xestión.
2. O director do Departamento e nomeado polo reitor logo da elección polo Consello do Departamento entre o profesorado doutor membro deste pertencente aos corpos docentes universitarios ou, no seu defecto, funcionario dos corpos docentes

³ Redacción do artigo 45 dos Estatutos da UDC.

⁴ O procedemento que se debe seguir para elixir os membros de órganos colexiados e unipersoais do departamento regúlase no Regulamento electoral xeral, aprobado para a UDC polo Consello de Goberno en reunión que tivo lugar o 20 de outubro de 2004.



UNIVERSIDADE DA CORUÑA

universitarios non doutores ou profesores contratados nos supostos previstos na lei. Neste caso poderá ser de aplicación o previsto nos Estatutos da UDC⁵.

3. De non se poder efectuar o nomeamento do director do departamento por falta de candidatos que reúnan os requirimentos esixidos, unha vez oído o Consello do Departamento, o reitor encargarlle provisionalmente as funcións de dirección a un dos profesores do Departamento.
4. A duración do mandato será de catro anos, e poderá ser reelixido.
5. O director do Departamento cesará nas súas función ao final do seu mandato, por pedimento propio, por causa legal sobrevida ou como consecuencia dunha moción de censura aprobada nos termos que regulamentariamente se establezan.
6. A elección do director do Departamento rexerese por un regulamento elaborado e aprobado polo Consello de Goberno.
7. En caso de ausencia prolongada do Director do Departamento, presidirá o mesmo o membro do Departamento de máis categoría, antigüidade e idade, segundo esta orde.

Artigo 21. Funcións do director do Departamento⁶

Correspóndelle ao director do Departamento:

- a. Exercer a representación do Departamento.
- b. Presidir e convocar o Consello de Departamento e executar os seus acordos.
- c. Dirixir, coordinar e supervisar as actividades do departamento.
- d. Organizar as funcións de persoal de administración e servizos adscrito ao departamento e controlar o seu cumprimento.
- e. Promover contratos, de acordo co previsto na lei e nos estatutos da UDC.
- f. Executar as previsións orzamentarias.
- g. Propor ao reitor o nomeamento dunha persoa, de entre o profesorado e axudantes do departamento, como secretario do departamento⁷.
- h. Formar parte da Comisión de Selección do Persoal Docente e Investigador Contratado, no caso de que a praza se adscriba ao seu departamento⁸.
- i. Calquera outra que lle atribúan as disposicións legais vixentes e os estatutos da UDC, aprobados polo Decreto 101/2004, de 13 de maio.

⁵ Art. 41.2. “Serán nomeados polo reitor, logo de elección pola Xunta de Centro, entre o profesorado doutor pertencente aos corpos docentes universitarios adscritos ao respectivo centro”.

No seu defecto, nas escolas universitarias e nas escolas politécnicas, o/a director/a será elixido/a entre o funcionariado de corpos docentes universitarios non doutores/as ou profesores/as contratados/as doutores/as.

Será de aplicación este último precepto cando na elección de profesorado doutor dos corpos docentes universitarios ningún/ningunha dos/as candidatos/as obtivese a maioría absoluta dos membros da Xunta de Centro, e será elixido/a o/a máis votado/a, sempre que teña un número de votos superior ao acadado na elección entre o profesorado doutor”.

⁶ Redacción do artigo 46 dos Estatutos da UDC.

⁷ Artigo 47.1 dos Estatutos da UDC.

⁸ Artigo 83.2 dos Estatutos da UDC.



UNIVERSIDADE DA CORUÑA

Artigo 22. Secretario do Departamento⁹

1. O secretario do departamento será nomeado polo reitor, por proposta do director do Departamento de entre o profesorado e axudantes do departamento.
2. O secretario redactará as actas das sesións, custodiará a documentación e expedirá certificacións.
3. Exercerá, así mesmo, calquera outra función que lle delegue o director do departamento ou que lle encomenden as disposicións legais vixentes e os Estatutos da Universidade da Coruña.
4. O secretario do Departamento cesará por pedimento propio, por causa legal sobrevida ou por decisión do reitor, por proposta do director do Departamento.
5. En caso de ausencia, vacante ou enfermidade, o secretario será substituído polo membro do Consello do Departamento que decida o Director, que reúna na súa persoa a condición de profesor ou axudante.

TÍTULO III. DA ACTIVIDADE DOCENTE¹⁰

Artigo 23. Principios xerais

1. O Departamento promoverá como un dos seus obxectivos fundamentais impartir unha docencia de calidade dirixida á formación integral e crítica do estudiantado e á preparación para o exercicio de actividades profesionais.
2. A docencia é un dereito e un deber do persoal docente e investigador do departamento e será impartida baixo os principios de liberdade e responsabilidade, de acordo coa programación docente e os fins xerais da Universidade da Coruña.
3. O Departamento é o responsable da docencia de acordo cos planos de estudos das distintas titulacións en que imparta o seu ensino e o plano de ordenación docente aprobado polo Consello de Goberno.
4. O Departamento está obrigado a garantir o ensino adscrito ás áreas de coñecemento que o integran. En caso necesario o Consello do Departamento arbitrará as medidas oportunas que garantan a docencia ante situacións de urxencia.

Artigo 24. Organización docente

1. O Consello do Departamento, con carácter anual e antelación suficiente respecto ao comezo do seguinte curso académico, deberá polo menos:
 - a) Fixar e publicar o programa das materias ao seu cargo e o réxime de titorías do profesorado.
 - b) Determinar as actividades esixidas polos planos de estudo.
 - c) Acordar o sistema básico e xeral de avaliación do alumnado para cada materia, de acordo co que se estableza para tal fin na normativa da Universidade da Coruña.
 - d) Distribuír e asignar as tarefas docentes entre o profesorado.

⁹ Redacción do artigo 47 dos Estatutos da UDC.

¹⁰ Regulación da actividade docente do Departamento en aspectos como programas, asignación de docencia, avaliación alumnos, etc.



UNIVERSIDADE DA CORUÑA

- e) Resolver calquera outra cuestión establecida na normativa elaborada polo Consello de Goberno.
2. As obrigas docentes do profesorado computarán anualmente.
3. O Consello do Departamento planificará as actividades docentes do profesorado visitante e emérito, que poderán estar dirixidas principalmente á docencia en seminarios, cursos monográficos ou de especialización.
4. No reparto da carga docente para cada curso académico, procurarase no posible que cada profesor continúe coa docencia das materias que viña impartindo no curso anterior.

Artigo 25. Impugnacións e reclamacións eventuais dos alumnos sobre avaliacións

1. Farase de acordo coa regulamentación contida na “Normativa Académica de Avaliacións, Cualificacións e Reclamacións” aprobada polo Consello de Goberno da UDC.

TÍTULO IV. DA ACTIVIDADE INVESTIGADORA¹¹

Artigo 26. Principios xerais

1. O Departamento asume como un dos seus obxectivos esenciais a investigación, fundamento da docencia, medio para o progreso da comunidade e soporte da transferencia social do coñecemento. E para tal efecto promoverá no marco das súas competencias o desenvolvemento da investigación así como a formación dos seus investigadores.
2. A investigación é un dereito e un deber do persoal docente e investigador. Recoñécese e garántese, no ámbito do departamento, a liberdade de investigación individual e colectiva.
3. O departamento garantirá que todos os fondos bibliográficos e infraestructuras para a investigación estean a disposición de todos os profesores ou investigadores do departamento así como dos alumnos que o soliciten a través do profesor responsable do Departamento de Construcións Navais
4. Os departamentos apoiarán programas de investigación onde se recollerán as liñas de investigación, os proxectos e mais os recursos de persoal e material necesarios¹².

TÍTULO V. DO RÉXIME ECONÓMICO E FINANCEIRO

Artigo 27. Recursos

1. Para a realización das actividades docentes e investigadoras o Departamento de Construcións Navais dispón:
 - a) Dos bens, equipos e instalacións que, previamente inventariados, a Universidade da Coruña lle destine.
 - b) Dos recursos que nos orzamentos da Universidade da Coruña se lle asignen.
 - c) Calquera outro recurso que puidese serlle atribuído.

¹¹ Neste ámbito, capítulo II, “Da docencia e da investigación”, do título IV, “Da comunidade universitaria”, dos Estatutos da UDC.

¹² Artigo 57 dos Estatutos da UDC.



UNIVERSIDADE DA CORUÑA

2. Corresponde aos órganos de goberno do departamento velar polo mantemento e renovación dos recursos adscritos a este. Da súa conservación directa son responsables todos os membros adscritos a el, e será supervisada pola Dirección do Departamento.

Artigo 28. Competencias en materia económica

1. O Consello do Departamento adoptará anualmente os criterios para a asignación dos recursos do Departamento que serán destinados ao funcionamento deste e á atención das tarefas docentes e investigadoras das áreas de coñecemento que o integran.

2. Corresponde á dirección do Departamento:

a) Elaborar e presentar anualmente ao Consello do Departamento, para o seu debate e, se for o caso, aprobación, unha estimación dos ingresos e gastos do departamento no seu conxunto co reparto dos capítulos e unidades de gasto previstos para o exercicio económico seguinte.

b) Elaborar e presentar anualmente ao consello, para o seu debate e, se for o caso, aprobación, unha conta xeral dos ingresos e gastos do departamento no seu conxunto, distribuídos en capítulos e conceptos, unha vez rematado cada exercicio económico.

TÍTULO VI. DA REFORMA DO REGULAMENTO

Artigo 29. Iniciativa de reforma do regulamento

Poderán propor a reforma do presente regulamento cando menos un tercio dos membros do Consello do Departamento. A proposta de modificación presentárase mediante escrito motivado dirixido ao director.

Artigo 30. Tramitación de reforma do regulamento

O texto da proposta de reforma será enviado polo director aos membros do Consello, que disporán de quince días para presentaren emendas. Transcorrido este prazo convocarase sesión extraordinaria do Consello para aprobar ou rexeitar a reforma proposta. Á convocatoria xuntaranse as emendas presentadas, que serán sometidas a debate e votación.

Artigo 31. Aprobación da proposta de modificación do regulamento

Para a modificación do regulamento requírese a aprobación por maioría absoluta do total dos membros do Consello e a súa posterior aprobación polo Consello de Goberno da Universidade.

DISPOSICIÓNS TRANSITORIAS

PRIMEIRA: Período de adaptación da Comisión Permanente e comisións de traballo

As comisións que puideran existir no Departamento antes da entrada en vigor do presente regulamento ficarán extinguidas nese momento, debendo conformarse e constituírse unha Comisión Permanente, de conformidade co disposto neste regulamento, nun prazo dun mes. Mentres, asumirán as súas funcións o director e o secretario do Departamento.



UNIVERSIDADE DA CORUÑA

DISPOSICIÓNS FINAIS

ÚNICA: Entrada en vigor

O presente regulamento entrará en vigor o mesmo día en que o aprobe o Consello de Goberno da Universidade da Coruña.